

Avaunt 50 ans es gnida fundeda la Biblioteca engiadinaisa a Segl Baselgia. Daspö es la biblioteca steda aviarta al public. Millis dad iffaunts e creschieus, dad indigens e giasts haun frequento e frequentan eir hoz la biblioteca. La biblioteca vain mneda da maniera professiunela e cumpiglia cudeschs, cudeschs auditivs, giazettas e revistas, cassetas e DVD's; que as po druver eir il PC. Ün seguond böt da la Fundaziun Biblioteca engiadinaisa es impü quel da sustgnair activiteds culturelas i'l Grischun dal süd, cun resguard speciel sül rumauntsch.

In occasiun dal giubileum da 50 ans organisescha la Fundaziun Biblioteca engiadinaisa üna concurrenza per las classas da la scoula populera. La Lia Rumantscha renunzcha a favur da quista concurrenza a la concurrenza da scriver PLEDPIERLA. In gün dal 2012 varo lö üna granda festa da commemoraziun a Segl Baselgia cun chaunt, discuors ed attracziuns. Üna da las attracziuns saregian las preschantaziuns da las lavuors da las classas chi survegnan ün premi.

Nus sperains cha bgeras classas as participeschan cun schlauntsch e cun fantasia.

CONCURRENZA DA CLASSAS davart il tema:

Il cudesch e nus

Reglas

- La concurrenza as drizza a las 1a – 9a classas da las scoulas in Engiadina, Val Müstair, Val Bregaglia e Val Poschiavo.
- A paun as participer be classas interas, q.v.d. las classas chi vegnan instruidas dad ün magister da classa (dimena classas dad üna e da püssas annedas).
- Permiss sun tuot ils möds da tratter e da preschanter il tema. Que as po dimena commenter ün cudesch let, scriver ün'istorgia u ün töch teater e fer ün cudesch, disegner ün comic, inscener ün musical eui.
- Las lavuors haun da gnir inoltredas fin la fin dal mais avrigl dal 2012.
Adressa: Biblioteca engiadinaisa, chaschella postela, 7514 Segl Baselgia.
- Üna giuria valütescha las lavuors e scumparta ils premis.
- Ils premis sun: Participaziun a la festa dals 50 ans Biblioteca engiadinaisa als 16 gün a Segl ed ün rap illa chascha da la classa, la summa totela dals premis importa fr. 5'000.00.

Ulteriuras infurmaziuns:

Lia Rumantscha
7530 Zernez
tel. 081 860 07 61
lrengiadina@rumantsch.ch

Romedi Arquint
7526 Chapella
tel. 081 854 17 22 u 079 455 36 57
romedi.arquint@bluewin.ch